

www.BibleForChildren.org

Matius 26



Yakla yala
Paskanak dikim
zaun hup yaklana
enam enkam Iwa
kini ' ak, Yesus ki zep
dua-blaskam de wenya asa
Betania san dep golësek
gweka. Lazarus mensa
nër hom tin nikon ngaya
taka, zëno gwë gwenna hen zëwe.
Maria ki zep minyak narwastu
botola ban golhatazak.



Minyakna in
stenga litera.
Zëno irasena
sërkam de dawem
tanganna– aha minyak naban
de siri gun srëmna. Zep desa
de gonna te-alana mam
tangananna. Maria ki
zep minyakna inkam Yesus
mo tanana hlë tazim-blik,
zëre mo nol ala blal-blalkam zep
hwëna sasa soblak. Gola iwe minyakna
in mo irase en zep ëre guk.



Dua-blaskam de zëre hon ang ta gwen wenyik mo ahana, ëna Kariot walya Yudas Bak dekam zep Alap mo golak de syal tan wenyik mo nol-nol san dep song gweka— Yesussu de zëbe mae hap zerguzimdin hip. Salblankam man tangan sam neisiblik. Dekam zep nenblak, “Te-alasa asa ebe hap ërblal.” Dekam zep hëndep Yudas Bak in orana tëbla ' anka— Yesussu dikim sowëkam balk tan hap denaye.




Ëe dekam zebë hëndep zëwe
hamal ul guk. Kimë tembane
ta ' ak, Yesus ki zep rotina ahanaka
gul ineka, dekam zep dawemsa Alap
hap rotina in hap golblaka, ki zep
ahap gul guku. Desa zep abe mae
hap anakare ola ban kap tazimki,
“Em twenblandan. An ano timni.”




Ki zep hwëna anggur ho nabare
mokna zer ineka, dekam zep etan
Alap hap dawemna golblaka, ki zep
hwëna abe mae hap anakare ola ban
zerzimki, “Emki kïtak otdebin. Sap an
ano kala zen. Zen sa ano tim nikon
wet sol– Alap mo zi niban de ol
ziaha-en gun ësesa dikim sul sonen
hapye. Zep zini beya tangankam
sa ano kala kon
Alap mo nwenak
ëdakastil gwer.”



Yesus ki zep Simonsa gubluka, “Simon, Simon, dawem!
Emki Asa sane tan. Dowal mo kigina mes emsa de
serkam akasibiridan hap Alapsa abe taka. Hwena
Simon, Ee mesë ebe en hap Alapsa abe tal– eno Asa
de taibliblan dikim topse gwe srëm gwen hapye. Em
kime Abon osan dep etan lwa ha ' an zaka, ere mo wal
bose walya dekam tatete
tabir.”



Petrus ki zep ding gulbluka, “Bian, ëe mesë tangan hohle gwenan– Eban de bwi san song ën hap, hëndep Emsa de zerzaunnuk de hwëna tïn hïpye.” Ki zep ding gulbluka, “Petrus, Ëe ama emsa gublu ' an: Namen ayang de gun srëmnak, em esa anakan de Asa zabeblanna dan-ahan soblala, ‘Zini in ëe homë tame ta ' an.’”



Yesus kim asa Getsemanik
golëyaing gweka, zao zep
asa gubiridaka, “An zao
teinikin guk. Ëe Alapsa
ë-ere nakon gu
sonebla ' an. Bian, toton
banakare maena hom— eno
syal gwibin srëm hap
denaye. Karek yawala ansa
Ëe goltowe ' an, diki Em
Abon onakon langa gulsun.
Hwëna ano dwam gwibin sin
bap zen lwan. Diki ere mo
dwam gwibin sin zen lwan.”



Ki zep zë Yudas jana nabare zini golëyaing gwe zaka.
Ahakon Roma mo jana nabare zi, hen ahakon Alap mo
golsa de kara gul gwen jana nabare zi– mensa
Farisikam de zi niban Alap mo golak de syal tan
zi mo mam-mam naban lup nul sonekke. Zen
jana, nëbok, hen te tek maesa
deirenk, hen ahakon seipsi
deirenk hen lampusa.




Hwëna ahana dekam zep nëbokna mol ineka, dekam
zep Alap mo golak de teipsin tangan zi nik de babu
gwe-gwen zini sap zip soka. Hwëna dam
san de ing ala en naka zep blansibli kinika.
Hwëna Yesus ki zep jalse gweblaka,
“Bahem! In sya!” Zëna ki zep
ing alana insa dawem soblan
hap towanzim-blika, dekam
zep hëndep dawem nëblak.



Ki zep hëndep balk dahak— Alap mo golak de syal tan
zi mo teipsin zi mo gol san dep. Petrus lun sap-sap
gwen da ' anka. Dekam zëwe de syal ta gwen
wenya gol tēmnak
syauknu bla dasi ' ik—
desa de tuwirin hip.
Petrus zao zep hen
nikin ' in zaka.



Hanas Bak hon de babu
gwen zini ahana man
hen zao gwë ' anka.
Zen Petrus insa ing
alana blansibli kinika,
zëno iye. Zen zep etan
gubluka, “Ëe Yesus hun
apdenakë emsa zaitun
tranak aker.” Desa hen man
ding gulbluka, “Asya, aban
home.” Hëndep dekam zep
ayangna guku. Dekam zep hëndep
wet soka. Gosa zep kon
yusyustin niban gwë
song gweka.




Ki zep Yahudi mo sinodenak de teipsin-teipsin wenya ezauk, dekam zep Yesussu teipsin zini Pilatus osan dep nerhak. Pilatus ki zep takensiblika, “Em an san ha eiwa zen— Yahudi mo teipsin niye?” Ki zep ding gulbluka, “In kirekame gunda, zen kirekamke.”



Pilatus Yesusu de zeser sonen hap
sap dwam gweka, in zep sap etan
kirekam ol mamkam gubiridaka.
Hwëna dekam tangan zep ol
nop-nopkam ëgu ane
gwe ' ak, “Desa
te-lidak sonnak makan
laink! Te-lidak sonnak
makan laink!”



Hëndep ki zep Pilatus te-lidak sonnak
de makan ta irin hip zerguzimki.
Jana nabare zini dekam zep hëndep
irik dahak. Yesus hup dekam zep zëre
hap de te-lidak soblanna wë noso
soneblak. Ki zep hëndep wë so halka,
hëndep kwatap tek bosenä Zi Nol
Swrak zihataka. Ibrani olkam man desa
nen gweblanan “Golgota” kam.




Zao zep te-lidak sonna iwe makan
daink. Zao aha darena hen man
makan nosoink— Yesus mo
eihya-lip eihya-lipkam.
Zënaka ngirinnik.



Alap mo gol mwanak de kaen liliikän glaing-gling yawala
dekam zep owas hap kalk neisik sonek. Yesus ki zep
hwäna ol mamkam hërhe hanaka,

“Bian, Èe ère mo angna eno
tahanakë drë ne ' an!”

Kirekam kim gu aneka,
ki zep hëndep tilsiki.



Kim kam-en gwe'ak, Arimatea walya
Yusup ki zep hata zaka. Zen hen
Yahudi mo teipsin sinodenak
de aha mamna, hen zen
man tangan Alap de
kitak nabakam irik
gilzin hap hohle
gwe'anka. Yesus in
kim tilki,

dekam Hari
Jumat, yaklana
men dekam Yahudi
zini ka ' an dep de
Sabat hap etamal
gwe-gwekke. Hwena
Sabat hap de orapna
dekam man tangan
golek de gwe ' ak.



Zen in zep Yusup enlala tatete naban
nabakam Pilatus osan dep song
gweka— Yesus mo tok naka
dikim lo tasin hip abe
tan hapye. Yusup dekam
zep kaen ngap-ngap
blala te-alakam
golka. Ki zep hwëna
Yesus mo tokna
te-lidak

sonna iwe
zizeryahe halka. Kaen
ngap-ngapna inkam
zep zitahaleka. Ki zep
hwëna kaso hul gun
hamalak zidrë neka.
Lilikinni kaso
yawalkam zep
zigulhlu inki.



Zao de yaklana dekam Hari Sabat
yawal– Paska hap de yakla
tangannak. Dekam zep
Alap mo golak de syal ta
gwen zi mo mam-mamna
hen Farisikam de zi
niban apdekam
Pilatus osan dep
sek gwek.



Zao zep nenblak, “Bian, ëe ama
ëenlala gwer, zisi de yasik ta gwibin
zini Yesus in kim nama
gwë ' anka, zen man
anakan gu gweka,
‘Yaklana kim de
dan-ahannak zau ' uk,
dekam asa etan tìn
nikon ngaya gwer.’”



“Desan kim sek gwek, dawemkam zep
Yesussu de dränen kaso
lilükinnī in sa sip dabik.
Jana zini in zēwe zep
kara nul gwe 'ak— zi de
zēwe mae ēgolek de
gwezan srēm hap.”



Hari Sabat hyanak, kak tangannak
zep we darena song ëk– Magdala
kore wenya Maria bose apde
zem Maria han, Yesussu de
drënen kaso hula insa de
etan hla kun hip.

Hwëna Alap mo dam
taha nakore zini
kim ngatan zi mo
lang

nakon ati gwe
zaka, jingil yala
dekam zep hëndep
gwëka.



Hwëna dam taha nakore zini in zep
drënen kaso lilikinnï insa irhi gul
zuka. Zëna hwëna zao zep
nikin ane ' anka. Jana
nabare zini in zen kaso
hula insa kara nu ' ik,
karekkam aïrïn hip
ëyal-yal gwek,
hëndep tok-tok
makan
zep

zë altïnk.



Hwëna Alap mo dam taha nakore zini
in ki zep wenya insa guzimki,
“Bahem aïrïn. Em an
Yesussue lëbla ' an zala-
te-lidak sonnak insa
makan da inkke.
Zen awe hom.”



“Bian Alap mes t̄in n̄ikon ngaya
tala– men kirekam Yesus Z̄ena
hamal hap emsa gubirida guk
gwekake. Haen, emki sap
hla kulzin– men zao
sap n̄en nekke.”




Dekam zep we darena in nabalba enkam
olahak. Zen man sap aïri ' ak, hwëna
dawemkam hen isrip-sri ë ' ak. Hlu
kënkam zep song ë ' ak— dekam de
nabakam Yesus zëre hon de ang
ta gwen wenya insa enbiridan
hap.



Hwëna kim song ë ' ak, zao zep mumuk
ennak Yesus Zënaka zertreizimki. Zen
kim anakan guzimki, “Dawem,”
dekam zep hëndep golek
de lazak. Zao zep hëndep bokle
kom osoblan naban tanana
babang osoblazak, deban
isrip-sri ëbla ' ak.





Zao hom holo gwe ' ak, ki zep etan seblaskam de zëre hon ang ta gwen wenyak tembane tannak Zënaka zertreizimki. Dekam zep nol drak-drak hap jal gwibiridaka, sap men zen tïn hyanak hla da gwe ' ak, desa de salbiridankam hom mae daïblïbirida gwe ' ak. Bian Yesus in kim kirekam tonbiridasikï, ki zep hwëna Alap ngatan zi mo lang san dep zer ine halka– zao de zëre mo dam taha nakon teipsïnkïm nikirin hip.



Alap man
okamanak de zisi
sërkam kwasang gwibirida gweka,
hëndep zep zëre mo Tane aha-erena
zer sonezimki– dekakim tingan men
zen Desa daïbli gwebla'ak hëndep
denaban juwe srëm gwëk, hwëna
hëndep de ëngaya gwen hap
denaka sa hla nul.



Roma 3:23 hwëna kitak kareksa nulin halasen gwenan, hëndep zep Alap zëre onakon mes ëlanga gwesik hen kawesinnik lowehe gwenan.

Roma 6:23 Sap kareksa de gol gwenkam, dekam hwëna tïn hip de ora san esa ang tal. Hwëna Bian Kristus Yesus hun de zeraha-en gwenkam, dekam Alap hëndep de gwën hap dena totoresa nëbe mae hap gol gwizimnira.

Ibrani 9:27 Sap Alap mes tïngare zini nësa anakan gubiridaka, “Zen aha-rok ' nen sa juwe gwer, ki asa hwëna klis gul.”

Efesus 2:8,9 Zep nen mese Alap mo kwasang-kwasang nakon ëngaya gwek— in kime Yesussu laïbliëblakke. Nëre mae mo syala kon home ëngaya gwe ' an. Zen Alap totoresa nëp gol gwizim ' ira. Nen home mae ba maena syal eibik— dekam de ëngaya gwen hap denaye. Zep toton nara dep?— bola-bola gwenna.



Roma 10:9,10 Sap em de ere mo enho nakore taibliblanna insa zi mo inik anakan kira gunnu, “Yesus Zen ano Teipsinni,” hen enho nakon de anakan taibliblanna, “Desa eiwa mes Alap tin nikon ngaya taka,” ki em hen esa ngaya gwera. Sap em de enho nakon taibliblankam, dekam em mese Alap mo nwenak dakastilida. Hen ere mo taibliblanna insa de zi mo inik kira gunnu, dekam em mese ngaya gwenda.

Yohanis 3:16,17 Alap man okamanak de zisi serkam kwasang gwibirida gweka, hendep zep zere mo Tane aha-erena zer sonezimki— dekakim tingan men zen Desa daibli gwebla ' ak hendep denaban juwe srem gwek, hwena hendep de engaya gwen hap denaka sa hla nul.

Alap zere mo Tanena in nesa de karek tabin hip hom zer sonaka, hwena dekam de Zebon onakon nesa ngaya tabin hip.



1 Yohanis 5:11-13 Hwëna Alap sap mes anakan eiwa de gul gwizimki, “Ëre mo Tane naban de zeraha-en gwen wenyä kip, Ëe mesë hëndep de ëngaya gwen hap dena golzimk.” Men zen Tane zemka taïbliblankam nëraha-en gwe ' an, zen mes hëndep de ëngaya gwen hap dena nulin. Hwëna men zen nëraha-en gwe srëm gwe ' an, zen hom nul in ' in. Em in zen kirekam laïblihlak, ëe in zebë kire hap denaka de ebe mae hap ale gulzimdin hip dwam gwer– em dikim anakan ëtawa gwen hap, “Ëe mesë hëndep de ëngaya gwen hap dena insa ulink.”



Matius 26-28; Lukas 22-24; Yohanis 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Orya NT (ury) © 2005, Wycliffe Bible Translators, Inc. All
rights reserved.

<https://live.bible.is/bible/URYAOV/MAT/1>

©2025 Bible for Children, Inc.

www.M1914.org

www.bibleforchildren.org

